

## МЕСЯЦА СЕПТЕМВРИА В 14-Й ДЕНЬ

### ВСЕМИРНОЕ ВОЗДВИЖЕНИЕ ЧЕСТНАГО И ЖИВОТВОРЯЩАГО КРЕСТА ГОСПОДНЯ

### И УСПЕНИЕ ВО СВЯТЫХ ОТЦА НАШЕГО ИОАННА, АРХИЕПИСКОПА КОНСТАНТИНА ГРАДА, ЗЛАТОУСТАГО

Ведомо же буди, яко Златоустаго возследование в сей пресветлый день, в Константине граде, и повсюду не поется Воздвижения ради Честнаго Креста, Господьскаго праздника, и преложится в 13 день ноемвриа месяца

#### НА МАЛЕЙ ВЕЧЕРНИ

На Господи воззвах , стихиры на 4, глас 1

**Подобен:** Небесных чинов:

**Крест** возносится, / и демони прогоняются, / разбойник Едема убо врата отверзает, / смерть умерщвляется, / и ныне пуста явися, / Христос величается. / Тем веселитесь вси земнороднии, / клятва разрушися. [Дважды.]

**Приидите** боголюбивии вси, / Крест честный возносимый видяще, / возвеличим купно, / и славу дадим, Единому Избавителю и Богу взывающе: / Распныйся на Древе Крестнем, / не презри молящихся нас.

**Горесть** древле ослаждая Моисей, / избави Израиля, / образом Крест прописуя: / мы же сего вси божественно вернии, / таинственно воображающе в сердцах наших / всегда, спасаемся державою его.

**Слава, и ныне, глас 6. Самогласен**

**Днесь** сад животный, / от земных незаходимых недр происходит: / на нем пригвожденнаго Христа извествует Воскресение, / и воздвигаемый руками священническими, / Того на небеса возвещает возношение: / Имже наше смешение, / от еже на землю падения, / на небесех жительствует. / Темже благодарственне возопиим: / Господи, Вознесыйся на нем, / и тем совознес нас, / небесныя Твоя радости сподоби, яко Человеколюбец.

**Прокимен дне, и Сподоби Господи:**

**На стиховне стихиры, глас 2**

**Подобен:** ДOME Евфрафов:

**Водою** Боготворною и кровию Твоею Слове, светло Церковь украшается, яко невеста, Креста славу поющи.

**Стих:** Возносите Господа Бога нашего, и поклоняйтесь подножию ногу Его, яко свято есть.

**К**опие со Крестом, гвозди и иная, имиже живоносное Христово пригвоздися тело, возносяще поклонимся.

**Стих:** Бог же Царь наш прежде века, содела спасение посреде земли.

**Е**гда Амалика Моисей побеждаше, на высоту руце имея крестоявленно, образоваше Христову страсть пречистую.

**Слава, и ныне, глас 6:**

**Д**несь Древо явися, днесь род еврейский погибе, днесь верными цари вера является, и Адам древа ради испаде, и паки Древом демони вострепеташа: всесильне Господи, слава Тебе.

**Тропарь, глас 1:**

**С**паси Господи люди Твоя, / и благослови достояние Твое, / победы православным христианом / на сопротивных даруя, / и Твое сохраняя / Крестом Твоим жительство.

**П**о отпущении же Малыя вечерни входит еклисиарх со иереем и диаконом, и паракклисиархом в жертвенник со свещами, и облачится иерей, и диакон, и кадив честный Крест, глаголет:

**Б**лагослови владыко.

**Иерей:** Благословен Бог наш:

**Таже, Трисвятое, и по Отче наш, тропарь Креста:** Спаси Господи люди Твоя:

**Слава, и ныне, кондак.**

**И** взымает иерей честный Крест с блюдом на главу, и вносит его во святыи олтарь: предыдущим же пред ним со двема лампадама, и полагает честный Крест на святой трапезе, на евангельском месте: и вжигают пред ним свещу на всю ночь, а Евангелие поставляется на Горнее место.

**П**одобает ведати, яко аще случится праздник сей в неделю, ничтоже поется воскресно, ни стихиры воскресны, ниже непорочны, ни степенна гласа: ни Евангелие воскресно чтется, точию,

**Воскресение Христово:** глаголем, не поется же и Свят Господь Бог: но поем всю службу праздника.

## **НА ВЕЛИЦЕЙ ВЕЧЕРНИ.**

Аще в субботу вечера, поем Блажен муж: кафисму всю.

Аще же в неделю вечера, поем Блажен муж, первый антифон.

Аще ли во иной день, Блажен муж: не поем, но по предначинательном псалме поем:

**На Господи, воззвах, глас 6.**

**И поем стихиры, глас 6.**

**Подобен: Все отложше:**

**К**рест воздвигаемь, на нем Вознесеннаго страсть пречистую, пети повелевает твари всей. На том бо убив нас убившаго, умерщвленные оживил есть, и удобри, и на Небесех жити сподоби яко Милосерд, премножеством благодати. Тем радуящися, вознесем Имя Его, и Того возвеличим крайнее низхождение. **Трижды**

**М**оисей предобрази Тя, руки простер на высоту, и побеждаше Амалика мучителя, Кресте Честный, верных похвало, страдальцев утверждение, апостолов удобрение, праведных поборниче, всех преподобных спасителю. Тем тя воздвизаема зрящи тварь, веселится, и торжествует славящи Христа, Тобою разстоящая собравшаго, крайнею благодатию. **Трижды**

**К**ресте Пречестный, егоже обстоят чини ангельстии веселящися, днесь воздвигаемь, Божественным мановением возносиши вся, окраденным снеди отгнанным, и в смерть поползшиям. Темже ты сердцы и устнами вернии лобызающе, священство почерпаем, возносите, вопиюще, Христа Преплагаго Бога, и Того покланяйтеся Божественному подножию. **Дважды**

**Слава, и ныне, глас 2:**

**П**риидите вси языцы, благословенному Древу поклонимся, имже бысть вечная правда. Праотца бо Адама прельстивый древом, крестом прельщается: и падает низвержен падением странным, мучительством одержавый царское здание: кровию Божию яд змиев отмывается, и клятва разрушится осуждения праведнаго, неправедным судом праведнику осуждену бывшу: древом бо подобаше древо исцелити, и страстию Безстрастнаго яже на древе разрешити страсти осужденнаго. Но слава Христе Царю, еже о нас Твоему мудрому смотрению, имже спасл еси всех, яко Благ и Человеколюбец.

**Вход: Прокимен дне.**

Аще случится праздник сей в субботу. В пяток вечера прокимен дне оставляется, и поется **прокимен великий, глас 7:**

**Бог наш на небеси и на земли, вся елика восхоте, сотвори.**

Понеже в субботу вечера поется прокимен:

**Господь воцарися: И чтения три.**

### **Исхода чтение. [Главы 15 и 16.]**

**П**оят Моисей сыны Израилевы от моря Чермнаго, и веде тыя в пустыню Сур: и идяху три дни в пустыни, и не обретаху воды, да быша пили. Приидоша же в Мерру, и не можаху пити воды из Мерры, горька бо бе: сего ради наречеся имя месту тому, Горечь. И роптаху людие на Моисеа, глаголюще: что прием? Возопи же Моисей ко Господу, и показа ему Господь древо: и вложе тое в воду, и сладка бысть вода. Тамо положи ему Бог оправдания и суды. И тамо искушаше его, и рече: Аще слухом услышиши глас Господа Бога твоего, и угодная пред Ним сотвориши, и внушиши заповеди Его, и сохраниши вся оправдания Его, всяку болезнь, юже наведох Египтяном, не наведу на тя: Аз бо есмь Господь исцеляяй тя. И приидоша во Елим, и бяху тамо дванадесять источников вод, и седьмдесят стеблей финиковых: и ополчишася тамо при водах. И воздвигошася от Елима, и прииде весь сонм сынов Израилевых в пустыню Син, яже есть между Елимом и между Синою.

### **Притчей чтение. [Глава 3.]**

**С**ыне, не пренебрегай наказания Господня, ниже ослабевай от Него обличаемый. Егоже бо любит Господь, наказует: бьет же всякаго сына, егоже приемлет. Блажен человек, иже обрете премудрость, и смертен, иже уведе разум. Лучше бо сию куповати, нежели злата и сребра сокровища. Честнейшая же есть камней многоценных, не сопротивляется ей ничтоже лукавое, благоразумна есть всем любящим ю: всякое же честное недостойно ея есть. Долгота бо жития, и лета жизни в деснице ея. В шуйце же ея богатство и слава: из уст ея исходит правда, закон же и милость на языке носит. Путие ея, путие добры, и вся стези ея с миром. древо живота есть всем держащимся ея, и восклоняющимся на ню, яко на Господа, тверда.

### **Пророчества Исаина чтение. [Глава 60.]**

**С**ия глаголет Господь: отверзутся врата твоя Иерусалиме выну день и ночь, и не затворятся, еже ввести к тебе силу языков, и цари их ведомыя. Языцы бо и царие, иже тебе не поработают, погибнут: и языцы запустением запустеют. И слава Ливанова к тебе приидет в кипарисе, и певке, и кедре вкупе, прославити место святое Мое, и место ног Моих прославию. И пойдут к тебе боящиеся сынове смиривших тя, и прогневавших тя, и поклонятся следом ног твоих вси прогневавшии тя, и наречешися град Господень, Сион Святаго Израилева. За еже быти тебе оставлену, и возненавидену, и не бе помогаяй тебе: и положу тя в радость вечную, веселие родом родов. И иссеши млеко языков, и богатство царей снеси, и разумеши, яко Аз Господь спасаюй тя, и избавляяй тя Бог Израилев.

### **На литии стихиры самогласны, глас 1.**

**[Андреа Иерусалимскаго:]**

**Д**несь яко воистинну святовещанный глагол Давидов конец прият: се бо яве пречистых ног Твоих покланяемся подножию, и на сень крилу Твоею надеющися, Всещедрый, вопием Ти: да знаменуется на нас свет лица Твоего. Православных людей Твоих рог вознеси честнаго Креста Твоего воздвижением, Христе Многомилостиве.

**Н**асажденное в Краниеве месте, Древо сушаго живота, на немже содела спасение Превечный Царь посреде земли, возносимо днесь, освящает мира концы, и обновляется воскресения дом: радуются ангели на небеси, и веселятся человецы на земли, Давидски вопиюще, и глаголюще: вознесите Господа Бога нашего, и поклоняйтесь подножию ногу Его, яко свято есть: подай миру велию милость.

**П**рообразуя Крест Твой Христе, патриарх Иаков, внуком благословение даруя, на главах пременены руки сотвори. Егоже Спасе, мы днесь возносяще зываем: даруй христоробивым людям победы, яко Константину одоление.

## **Глас 2.**

**[Феофаново:]** Божественное сокровище в земли скрывается, Жизнодавца Крест на небесех показася царю благочестивому: и победы на враги подписание являет разумно. Егоже радуясь верою и любовию, божественно востек к высоте зренья, тщанием же того от земных недр изнесе во избавление мира и спасение душ наших.

**[Киприаново:]** Рук пременение патриарха Иакова на благословение чад, державное Креста Твоего предъявляше знамение. Егоже мы держаще тверда хранителя, демонския всемошно отгоним полки, и велиарову гордыню в нем низлагаем, враждебнейшаго Амалика побеждаем всегубительную силу. Того и ныне возносима благочестивомудренно, вернии, во очищение грехов, Твоей благости во многомножайшем гласе, вопиюще приносим: Господи помилуй, из Девы воплотивыйся, ущедри рук Твоих, Блаже, мудрое создание.

**[Льва Деспота:]** Ты мой покров державен еси, тричастный Кресте Христов: освяти мя силою твоею, да верою и любовию покланяюся и славлю тя.

**Глас 4:** Восплещем днесь песненное торжество, и светлым лицом, и языком ясно возопиим: нас ради, Христе, суд приемый, и оплевания и раны, и червленицею одеявыйся, и на Крест возшед, Егоже видевшие солнце и луна свет скрыша, и страхом земля колебашеся, и завеса церковная раздрася на двое: Ты и ныне даруй Крест Твой честный нам, блюстителя и хранителя, и прогонителя демонов, яко да вси облобызающе, вопием ему: спаси ны, Кресте, силою твоею, освяти ны светлостию твоею, честный Кресте, и укрепи ны воздвижением твоим, яко свет нам дарован еси, и спасение душ наших.

**[Анатолия:]** Светосиянен звездами образ предпоказа, Кресте, победу одоления благочестивому царю великому, егоже мати Елена, изобретши, мироявленна сотвори: и ты днесь воздвижуще, верных лица зовем: просвети ны светлостию

твоею, Кресте живоносный. Освяти ны крепостию твоею, всечестный Кресте, и утверди ны воздвижением твоим, воздвигаемый ко ополчению врагов.

**Слава, и ныне, глас тойже:**

**[Анатолия:]** Честнаго Креста Христе, действо прообразив Моисей, победи противнаго Амалика в пустыни Синайстей: егда бо простираше руце, Креста образ творя, укрепляхуся людие: ныне же вещей сбытие в нас исполнися. Днесь Крест воздвигается, и демони бегают. Днесь тварь вся от тли свободися: вся бо Креста ради возсияша нам дарования. Темже радующеся вси припадаем Тебе глаголюще: яко возвеличишася дела твоя, Господи, слава Тебе.

**На стиховне, глас 5.**

Радуйся, Живоносный Кресте, благочестия непобедимая победа, дверь райская, верных утверждение, Церкви ограждение, имже тля разорися и упразднися и попрося смертная держава, и вознесохомся от земли к небесным, оружие непобедимое, бесов сопротивоборче, слава мучеников, преподобных яко воистинну удобрение, пристанище спасения, даруй ми велию милость.

**Стих:** Возносите Господа Бога нашего, и поклоняйтесь подножию ногу Его, яко свято есть.

Радуйся, Господень Кресте, имже разрешися от клятвы человечество, сущия радости знамение, прогоняй враги во твоём воздвижении, всечестне. Нам помощниче, крепость праведных, священников благолепие, воображаемый, и лютых избавляй, жезл силы, имже пасемся, оружие мира, егоже со страхом обстоят ангели, Христа Божественная слава, подающаго ми велию милость.

**Стих:** Бог же Царь наш прежде века содела спасение посреде земли.

Радуйся, слепых наставниче, немощных врачу, воскресение всех умерших, воздвигнувший ны во тлю падшия, Кресте честный, имже разрушися клятва, и процвете нетление, и земнии обожихомся, и диавол всеконечно низвержеся. Днесь воздвизаема тя видяще руками архиерейскими, возносим Вознесеннаго посреде тебе, и тебе поклоняемся, почерпающе богато велию милость.

**Слава, и ныне, глас 8. Иоанна Монаха:**

Егоже древле Моисей прообразовал собою, Амалика низложив победы: и Давид песнопевец, подножию твоему, вопия, кланяться повелеваше, честному Кресту Твоему, Христе Боже, днесь грешнии кланяемся, устнами недостойными, Тя изволившаго пригвоздится на нем, воспевающе, молимся: Господи, с разбойником Царствия Твоего сподоби нас.

**Таже, Ныне отпускаеши:**

**На благословении хлебов тропарь, глас 1:**



Спаси, Господи, люди Твоя, / и благослови достояние Твое, / победы на сопротивных даруя, / и Твое сохраняя Крестом Твоим жительство. **[Трижды]**

**И чтем слово о Честнем Древе.**

## **ПОХВАЛА КРЕСТУ**

**(Из творений св. Андрея, архиепископа Критского).**

**Мы** славим Крест, и вся Церковь наполняется блеском славы. Мы славим Крест, и лице всея вселенныя озаряется сиянием радости. Мы славим Крест, и рассеивается мрак, и разливается свет.

**Крест** воздвигается, и вражеская сила сатаны, пораженная, падает и сокрушается. Крест воздвигается, и все верующие стекаются. Крест воздвигается, и грады торжествуют, и народы совершают празднество.

**Так** одно воспоминание Креста уже возбуждает к животворной радости и облегчает тягостную скорбь. Сколь же важно видеть самый образ Креста! Воззрение на Крест вдыхает мужество и изгоняет страх.

**Кто** стяжал Крест, тот стяжал сокровище. Вы, может быть, думаете, что я под сокровищем разумею золото и драгоценные камни Индии, чем прельщаются люди преданные суетности! Нет. Лучшее и драгоценнейшее из сокровищ, по всей справедливости, есть, по мнению моему, Крест, на котором воздвигнуто здание нашего спасения. Если бы не было Креста, то и Христос не был бы распят, не отверзся бы для нас рай, и разбойник не сделался бы обитателем рая. Если бы не было Креста, смерть не была бы поправа, ад не был бы опустошен, и враждебный змий не был бы умерщвлен. Посему Крест – великое и драгоценное сокровище. Великое потому, что чрез него явлены великия благодеяния. Драгоценное потому, что Крест служит знаменем страданий Христа и Его победы. – Страданий: ибо Он добровольно вкусил на нем смерть. Победы: ибо поражен диавол, побеждена смерть, верей адовы сокрушены, и Крест соделался общим спасением для всего мира.

**Крест** – надежда христиан, спаситель отчаянных, пристанище обуреваемых, врач немощных, изгонитель страстей, податель здравия, жизнь погибающим. Крест – оружие против врагов, скипетр царствия, венец красоты, твердыня веры, путеводитель слепых, свет для сидящих во тьме, наставник невеждам, учитель юношам, приставник отрокам, пестун младенцам, поправитель греха, вестник покаяния, глашатай правды. Крест – лествица на небо, залог жизни, смерть для смерти, дерзновение к Богу, ключ к небесному царствию. Крест – страж в ночи, крепость во дни, обуздатель в радости, одушеvitель в печали, умилоствитель, примиритель, поборник, защитник, покровитель. Крест помощник в искушениях, хранитель в опасностях, утешитель в скорбях, кормчий в море, отрада в несчастиях. Крест – охранитель спящих, сотрудник трудящимся. Крест – сила безсильным, покой обремененным, пища алчущим, подкрепитель постников, советник подвижникам, одеяние нагим, спутник странникам. Крест – заступник вдовиц,

покровитель и питатель сирот. Крест – честь правителей, крепость владык, победа вождей, печать девства, союз супружества. Крест – хранитель градов, оградитель жилищ, посредник друзей, отмститель врагам. Крест – царь любви, умиритель мира, – кратко сказать: Крест – глава страданий Христовых, венец совершившихся для нас чудес.

**П**осему-то Крест и именуется славою Христовою и высотой Христовою. А что крест составляет славу Христову, послушай о сем Самого Христа. Он говорит: *ныне прославился Сын Человеческий, и Бог прославился о Нем..., и абие прославит Его* (Иоан. гл. 13, ст. 31 – 32). Также: *прослави Мя Ты, Отче у Тебе Самого славою, юже имех у Тебе, прежде мир не бысть* (Иоан. гл.17, ст. 5). И еще: *Отче, прослави имя Твое. Прииде же глас с небесе: и прославих, и паки прославлю* (Иоан. гл. 12, ст. 28). Здесь Христос говорит о той славе, которая сопровождала Его Крест, т.е. о смятении тогда и страдании всей природы. Ибо надлежало, чтобы твари сострадали Творцу. А что Крест составляет и высоту Христову, слушай, что сказал Христос: *аще Аз вознесен буду от земли, вся привлеку к Себе* (Иоан. гл, 12, ст. 32). И в другом случае: *якоже Моисей вознесе змию в пустыни, тако подобает вознестися Сыну Человеческому. Для чего? Да всяк веруяй в Него не погибнет, но имать живот вечный* (Иоан. гл. 3, ст. 14, 15). Видишь ли, что Крест составляет славу и высоту Христову. Если же Крест Христов составляет славу, то и в настоящий день воздвигается Крест для того, чтобы Христос прославился. А Христос прославляется, дабы нас вознести с Собою.

**П**осему, когда воздвигается Крест, тогда с ним возвышается и дух благочестивых. Прославляется Христос и с Ним прославляются славящие Его. Воздвигается Крест, и попирается гордыня демонская. Прославляется Христос, и диавол посрамляется. Воздвигается Крест, и возстановляет падших.

**С** тех пор, как существует Крест Христов, Христу приносится поклонение. Со времени Креста Христова мы познали Сына Божия. Со времени Креста Христова мы чтим Сына со Отцем. Со времени Креста Христова обряды иудейские упразднились, язычество пало, христианство возвеличилось, воздух освятился. Со времени Креста Христова мы научены веровать в Отца и Сына и Святаго Духа и отвергли пагубный бред языческаго многобожия. Со времени Креста Христова смерть презирается, истуканы сокрушены, заклятия животных в жертву прекратились, демоны прогнаны, идольския капища разрушены до основания. Повсюду церкви, алтари, песнопения, всенощныя бдения.

**Н**о для чего много говорить? – Со времени Креста Христова люди сожительствуют с ангелами, небо отверсто для земнородных, и Бог присутствует и вселяется между человеками.

**О** Кресте, – Христова и наша многоименитая похвала! О древо благоданное, на котором Христос распростерся! О Кресте, коим изглажено



рукописание греха! О Кресте, сокровище неисчислимых благ, путеводитель к раю, ключарь царствия, разрешитель грехов, дарователь побед!

**Х**ристос, пригвожденный к тебе, соделал тебя лестницею, ведущею к небесам. Христос, распостертый на тебе, разрешил узы скованных грехом. Христос, добровольно вознесенный на тебя, совознес с Собою мир. Сей-то Крест Христов соделался для нас источником всех благословений.

**П**оклоняйтесь Кресту, ибо чрез него мы познали Господа. Крест достопоклоняем, ибо благословен Распявшийся на нем. Крест достопоклоняем, ибо чрез него мы вкусили сладость спасения. Благословенно древо: чрез него прияли благословение народы. Благословенно древо: на нем Бог распростерся плотию. Благословенно древо: чрез него разбойник вошел в рай, и вкушение от сего древа истребило древле вкушенную горечь.

**М**ожет ли что быть досточуднее? Жилище, которое заключил прельщенный Адам, отверз благоразумный разбойник, и откуда Адам был изгнан, туда разбойник призван.

**И**так в настоящий день возвысьте гласы свои и принесите славословие с поклоном Христу Сыну Божию. *Вси языцы, елики сотворил еси, приидут и поклонятся пред Тобою, Господи, и прославят имя Твое: яко велий еси Ты, и творяй чудеса, Ты еси Бог един* (Псал. 85, ст. 9,10).

### **ВОЗДВИЖЕНИИ ЧЕСТНАГО И ЖИВОТВОРЯЩАГО КРЕСТА ГОСПОДНЯ.**

**С**вятой царь Константин в трех бранех победу над врагами одержаша при помощи Господа, явльшего ему на небеси знамение Свое – Крест из звезд, желание возымел отыскати Крест, на коем Господь Иисус Христос распятие претерпел. Сего ради мать свою Елену, юже яко зело боголюбиву, во Иерусалим на взыскание честнаго креста посла со имением многим. Она же пришедше во святыя места и призва вся иудеи, вопрошаше их: да покажут ей место, где сокровен есть честный крест Господень? отрицающимся же им не ведети, муками и смертию прещаше, И показа ей место – гору велику – на немже Адриан царь римский уже храм созда богине Венере, Царица же Елена повеле храм идольский разорити, персть же и камень разсыпати и копати. И обретоша погребены три креста, и не ведяще, который бы крест был Христов. Случися в то время изнесенну быти некоему мертвецю на погребение. И повеле патриарх стати им, и полагаемы быша кресты на мертвецю по единому. Егда же положен бысть крест Христов, абие мертвец воскрес. Царица с радостию приемши честный крест, поклонися ему, и облобыза его. Многии же не можаху видети и лобызати святаго креста в то время тесноты ради. Тогда Макарий патриарх иерусалимский на высочайшем став месте, сотвори воздвижение, показуя честный крест народом, они же взываху: Господи, помилуй! И оттоле начася праздник воздвижения честнаго креста Господня.



## **НА УТРЕНИ,**

**На Бог Господь, Тропарь трижды.**

**По 1-м стихословии седален, глас 6:**

**Т**окмо водрузися древо Христе, Креста Твоего, основания поколебашася смерти Господи, егоже бо пожре желанием ад, отпусти трепетом, явил еси нам спасение Твое, Святыи: и славословим Тя, Сыне Божий, помилуй нас.

**Слава, и ныне, глас 1.**

**Подобен: Камени запечатану:**

**К**реста Твоего Древу поклоняемся Человеколюбче, яко на нем пригвоздился еси Животе всех. Рай отверзл еси Спасе, верою пришедшему Ти разбойнику, и сладости сподобися исповедаяся Тебе: помяни мя Господи, приими якоже онаго и нас зовущих: согрешихом вси, благоутробием Твоим не презри нас.

**По 2-м стихословии седален, глас 6:**

**Д**несь пророческое исполнися слово: се бо поклоняемся на место, идеже стояша ноги Твоя Господи. И древо спасения приемше, греховных страстей свободу получихом, молитвами Богородицы Едине Человеколюбче.

**Слава, и ныне, глас 8.**

**Подобен: Повеленное тайно:**

**П**роображаше таинственно древле Иисус Навис Креста образ, егда руце простре крестовидно, Спасе мой, и ста солнце, дондеже враги низложи противостоящия Тебе Богу. Ныне бо зайде на Кресте Тя зря, и державу смертную разрушив, весь мир совоздвигл еси.

**По полиелеи седален, глас 8.**

**Подобен: Повеленное тайно:**

**В** рай мя прежде древо обнажи, о вкушении враг принося умерщвление, Креста же древо живота одеяние человеком нося, водрузися на земли, и мир весь исполнися всякия радости. Егоже зряще возвышаема, Богу верою людие согласно возопиим: исполнь славы дом Твой.

**Слава, и ныне, тойже.**

**Степенна, глас 4. Антифон 1-й, ихже стихи повторяюще поем:**

**О**т юности моя / мнози борют мя страсти, / но Сам мя заступи, / и спаси Спасе мой.

**Н**енавидящии Сиона, / посрамитесь от Господа, / яко трава бо огнем / будете изсохше.

**Слава:** / Святым Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

**Прокимен, глас 4:**

Видеша вси концы земли спасение Бога нашего.

**Стих:** Воспойте Господеви песнь нову, яко дивна сотвори Господь.

Всякое дыхание:

**Стих:** Хвалите Бога во святых Его:

**Евангелие от Иоанна, зачало 42, от полу.**

**Рече Господь:** ѿче, прослави имя твоё. Прииде же гласъ съ небесе: и прославихъ, и пакы прославию. Народъ же стоаи и слышавъ, глаголахъ: громъ бысть. Ини глаголахъ: аггль глагола емь. **Ѡвѣща** иисъ и рече: не менє ради гласъ сей бысть, но народа ради: нѣ сѣдъ єсть миръ семь: нѣ князь міра сегѡ изгнанъ вѣдетъ вѡнъ: и аще азъ вознесенъ вѣдъ ѡ земли, всѣ привлекѡ къ себѣ. Сіе же глаше, назнаменѡ, кою смертію хотѡше оумрети. **Ѡвѣща** емь народъ: мы слышхомъ ѡ закона, ѡкв хрѣтосъ превываетъ во вѣки: какъ ты глєши: возвестіса подоваетъ снѡ члвческомѡ; кто єсть сей снѡ члвческій; **Рече** же имя иисъ: єще мало время свѣтъ въ васъ єсть: ходите, дондеже свѣтъ имате, да тма васъ не иметъ: и ходай во тмѣ не вѣсть, какъ идетъ: дондеже свѣтъ имате, вѣрдыте во свѣтъ, да сынове свѣта вѣдете. Сіѡ гла иисъ, и ѡшѣдъ скрѣса ѡ нѣхъ.

**Таже:** Воскресение Христово:

**По 50-м псалме**

**Слава:** / Молитвами апостолов, / Милостиве, очисти / множества согрешений наших.

**И ныне:** / Молитвами Богородицы, / Милостиве, очисти / множества согрешений наших.

**Таже, глас 6:** Помилуй мя Боже / по велицей милости Твоей, / и по множеству щедрот Твоих / очисти беззаконие мое.

**И стихира, глас 6:**

**Кресте Христов, христиан упование, заблуждших наставниче, обуреваемых пристанище, в бранех победа, вселенная утверждение, недужных врачу, мертвых воскресение, помилуй нас.**

**Канон Креста, егоже краегранесие: Кресту надеявся пение отрыгаю.**

**Творение Кир Космы. Ирмосы по дважды: тропари же на 12, глас 8.**

### **Песнь 1.**

**Ирмос: Крест начертав Моисей, впрямо жезлом Чермное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.**

**Образ древле Моисей пречистыя страсти в себе самом прообрази, священных среде стоя: Крест же вообразив, простертыми победу дланьми воздвиже, державу погубив Амалика всегубителя. Тем Христу поим Богу нашему, яко прославися.**

**Возложи Моисей на столпе врачевство, тлетвориваго избавление, и ядовитаго угрызения: и древу образом Креста, по земли пресмыкающагося змия привяза, лукавый в сем обличив вред. Тем Христу поим Богу нашему, яко прославися.**

**Показа небо Креста победу благочестия держателю, и царю Богомудру, врагов в немже злосердных низложися сверепство, леть же превратися, и вера распростресе земным концем Божественная. Тем Христу поим Богу нашему, яко прославися.**

**Катавасия: Крест начертав Моисей, впрямо жезлом Чермное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.**

### **Песнь 3.**

**Ирмос: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.**

**Яко испусти ударяемь воду краесекомый, непокоривым людем и жестосердым, Богозванная проявляше Церкви таинство, Еяже Крест держава и утверждение.**

**Ребром пречистым, копием прободенным, вода с кровию истече, обновляющая завет и омывательная греха, верных бо Крест похвала, и царей держава и Утверждение.**

**Катавасия:** Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

**Седален, глас 4.**

**Подобен: Скоро предвари:**

**В** тебе, треблаженне и жизнедавче Кресте, людие учреждающесе спразднуют, с невестественными Лики, чини архиерейстии благоговейно воспевают. Множество же монашествующих и постников поклоняются, Христа же распеншагося вси славим.

**Слава, и ныне, тойже.**

**Песнь 4.**

**Ирмос:** Услышах Господи, / смотрения Твоего таинство, / разумех дела Твоя, / и прославих Твое Божество.

**Г**орькородныя преложи дровом Моисей, источники в пустыни древле, Крестом ко благочестию языков проявляя преложение.

**Г**лубине внедривый секущую издаде Иордан древу, Крестом и крещением, сечение лести знаменуя.

**С**вященно ополчаются, четверочастнии людие предходяще образом свидетельства скинии, крестообразными чинми прославляемии.

**Ч**удно простираемь, солнечныя лучы испущаше Крест, и поведаша небеса, славу Бога нашего.

**Катавасия:** Услышах Господи, / смотрения Твоего таинство, / разумех дела Твоя, / и прославих Твое Божество.

**Песнь 5.**

**Ирмос:** **О** Треблаженное древо, / на немже распяся Христос, Царь и Господь. / Имже паде дровом прельстивый, / тобою прельстився, / Богу пригвоздившуся плотию, / подающему мир душам нашим.

**Т**ебе приснопетое древо, на немже простресе Христос, Едем хранящее обращающееся оружие, Кресте устыдесе: страшный же херувим уступи, на тебе пригвожденному Христу, подающему мир душам нашим.

**П**одземных силы противныя Креста страшатся, начертаема знамения на воздусе, по немуже ходят небесных и земнородных роди, колена преклоняюще Христу, подающему мир душам нашим.



**З**арями нетленными явлься Божественный Крест, омраченным языком, заблужденным в прелести, Божественный свет облистав, усвояет на нем пригвожденному Христу, подающему мир душам нашим.

**Катавасия: О** Треблаженное древо, / на немже распяся Христос, Царь и Господь. / Имже паде древом прельстивый, / тобою прельстився, / Богу пригвоздившюся плотию, / подающему мир душам нашим.

### **Песнь 6.**

**Ирмос: Воднаго зверя во утробе,** / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мїр просвещшаго.

**С**таростию преклонився, и недугом отягчен исправися, Иаков руце пременив, действие являя жизноснаго Креста: ибо ветхость законнаго сеновнаго писания новописа, на сем плотию пригвоздивыйся Бог, и душегубительный недуг лести отгна.

**Н**а юныя возложив длани Божественный Израиль, крестовидно главы являше, яко старейшая слава, законослужители людие. Темже подмневся тако испрельститися, не измени жизноснаго образа: превзыдут бо людие Христовы Божии новоутверждении, вопияху, Крестом ограждаеи.

**Катавасия: Воднаго зверя во утробе,** / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мїр просвещшаго.

### **Кондак, глас 4.**

**В**ознесыйся на Крест волею, / тезоименитому Твоему новому жительство, щедроты Твоя даруй, Христе Боже, / возвесели силою Твоею верныя люди Твоя, / победы дая нам на сопостаты, / пособие имущим Твое, оружие мира, непобедимую победу.

**Икос:** Иже до третияго небесе восхищен бысть в рай, и глаголы слышав неизреченныя и Божественныя, ихже не леть языки [человеческими] глаголати. Что галатом пишет, яко рачителие писаний прочтосте и познасте: мне, глаголет, хвалитися да не будет, токмо во едином Кресте Господни, на немже страдав уби страсти. Того убо и мы известно держим, Крест Господень, хвалу вси: есть бо нам спасительное сие древо, оружие мира, непобедимая победа.

## Песнь 7.

**Ирмос:** Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетый отцев и нас Боже, благословен еси.

**От** древа вкусив первый в человецех, в тление вселися: отвержением бо жизни безчестнейшим осудився, всему роду телотленен некий, яко вред недуга преподаде: но обретше земнороднии воззвание Крестным древом, зовем: препетый отцев, и нас Боже, благословен еси.

**Разруши** повеление Божие преслушание, и древо принесе смерть человеком, еже неблагоприятно причастно бывшее: во утверждение же зело честнаго. Оттуду жизни древо возбраняемо бе, еже разбойнику злоумершу отверзе, благоразумно зовущу: препетый отцев, и нас Боже, благословен еси.

**Жезла** объемлет край Иосифова, будущая зря Израиль, царствия державное, яко возымуществит преславный Крест, проявляя: сей бо победоносная похвала, и свет верою зовущим: препетый отцев, и нас Боже благословен еси.

**Катавасия:** Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетый отцев и нас Боже, благословен еси.

## Песнь 8.

**Ирмос:** Благословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

**Воздвигаему** Древу, окроплению Кровию воплощагося Слова Бога, пойте небесныя силы: земных воззвание, празднующе людие, поклонитесь Христову Кресту, имже миру востание во веки.

**Земнороднии** дланми, строителие благодати Крест, на немже стояше Христос Бог, возносите священнолепно и копие, Божия Слова Тело прободшее, да видят языцы вси спасение Божие, славяще Его во веки.

**Божественным** судом предызбранныи веселитесь, христианстии вернии людие хвалитесь победоносным оружием, приемше от Бога Крест Честный: в сем бо колена браней дерзости ищуще, разсыпаются во веки.

**Катавасия:** Благословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

## На 9-й песни

**Честнейшую:** не поем, но поем припев праздника:

Величай, душе моя, Пречестный Крест Господень.

**Таже, ирмос 1-го канона:** Таин еси, Богородице, рай, / невозделанно возрастивший Христа, / имже Крестное живоносное на земли насадися древо. / Тем ныне возносиму, покланяющесе ему, / Тя величаем.

Величай, душе моя, Пречестный Крест Господень.

Да возрадуются древа дубравная вся, освятившуся естеству их, от негоже изначала насадишася, Христу распростершуся на древе. Тем ныне возносиму, покланяющесе Ему, Тя величаем.

Величай, душе моя, Пречестный Крест Господень.

Священный воста рог, и глава всем Богомудрым Крест, имже грешных мысленно стираются роги вси. Тем ныне возносиму, покланяющесе ему, Тя величаем.

**Другой припев:**

Величай, душе моя, Животворящаго Креста Господня воздвижение.

**И ирмос:** Снедию древа роду прибывшая смерть, Крестом упразднися днесь: ибо праматерняя всеродная клятва разрушися, прозябением Чистыя Богоматере, Юже вся силы небесныя величают. И другой лик подобне, припев, и ирмос: тропари же б с симже припевом.

Величай, душе моя, Животворящаго Креста Господня воздвижение.

Горести убийственныя, яже от древа, не оставив Господи: Крестом бо сию совершенно истребил еси. Сего ради и древом услади иногда гореть вод Мерры, прообразующее Креста действо, еже вся силы небесныя величают.

Величай, душе моя, Животворящаго Креста Господня воздвижение.

Непрестанно гружаемая мраком праотца, Господи, Крестом возвысил еси днесь, яко бо лестию весьма неудержанно естество преднизведесе: всеродне ны паки исправи свет Креста Твоего, егоже вернии величаем.

Величай, душе моя, Животворящаго Креста Господня воздвижение.

Да образ покажеши миру покланяемый, Господи, Креста, во всех яко преславный на Небесех изобразил еси, светом безмерным озарен: царю всеоружие непобедимое. тем ты вся силы Небесныя величают.

**Катавасия:** Таин еси, Богородице, рай, / невозделанно возрастивший Христа, / имже Крестное живоносное на земли насадися древо. / Тем ныне возносиму, покланяющесе ему, / Тя величаем.

**Светилен.**

**Подобен:** Учеником:

Крест, хранитель всея вселенная, Крест, красота Церкви: Крест, царей держава, Крест, верных утверждение, Крест, ангелов слава и демонов язва.

**Слава, и ныне.**

**Подобен:** Жены, услышите:

Крест воздвигается днесь, и мир освещается: иже бо со Отцем седяй, и Духом Святым, на сем руце распростре: мир весь привлече к Твоему, Христе познанию. Иже убо на Тя надеющыяся, Божественныя сподоби славы.

**На хвалитех стихиры, на 4, глас 8.**

**Самоподобен:**

**О** преславнаго чудесе, живоносный сад, Крест Пресвятый на высоту возносимъ является днесь. Славословят вси концы земнии, устрашаются демонския полки. О каковый дар земным даровася, имже Христе спаси души наша яко Един благоутробен. [Дважды.]

**О** преславнаго чудесе, яко грозд исполнен живота, понесый Вышняго, от земли воздвигаемъ Крест видится днесь, имже вси к Богу привлекохомся, и пожерта бысть до конца смерть. О древо Пречестное, имже восприяхом во Едеме безсмертную пищу, Христа славяще!

**О** преславнаго чудесе, широта Креста и долгота небеси равна есть: яко Божественною благодатию освящает всяческая. О сем языцы варварстии побеждаются. О сем вера утверждается. О Божественныя лествицы, еуже восходим на Небеса, возносяще в песнях Христа Господа!

**Слава, и ныне, глас 6:**

Днесь происходит Крест Господень, и вернии приемлют того желанием, и вземлют исцеления души же и тела, и всякия болезни. Сего целуим радостию и страхом: страхом, греха ради, яко недостойны суще: радостию же, спасения ради, еже подают миру на том пригвоздивыйся Христос Бог, Имеяй велию милость.

**И славословие великое тихо и согласно поют. А о крестном воздвижении, и о поклонении, якоже устав повелевает.**

**Вместо Трисвятаго:**

Кресту Твоему покланяемся, Владыко, и святое Воскресение Твое славим.

**[Трижды ]**

**Слава, и ныне,**

**И** святое Воскресение Твое славим.

**Кресту** Твоему поклоняемся, Владыко, и святое Воскресение Твое славим.

**Егда же целуем Честный Крест: Поем стихиры самогласны Честнаго Креста,**

**Глас 2:**

**Приидите** вернии, Животворящему древу поклонимся: на немже Христос Царь славы волею руце распростер, вознесе нас на первое блаженство, яже прежде враг сластию украд, изгнаны от Бога сотвори. Приидите вернии, древу поклонимся, имже сподобихомся невидимых враг сокрушити главы. Приидите вся отечествия языков Крест Господень песнями почтим. Радуйся Кресте, падшаго Адама совершенное избавление: Ты ныне со страхом христиане целующе, на тебе пригвоздившагося Бога славим глаголюще: Господи, на том пригвоздивыйся, помилуй нас, яко Благ и Человеколюбец.

**Глас 5:**

**Приидите** людие, преславное чудо видяще, Креста силе поклонимся: яко древо в раи смерть прозябе, сие же жизнь процвете, безгрешнаго имуще пригвожденна Господа. От Негоже вси языцы нетление вземлюще зовем: Иже крестом смерть упразднилый, и нас свободивый, слава Тебе.

**Глас тойже:**

**Глас** пророк Твоих, Исаии и Давида, исполнися Боже, глаголющий: приидут вси языцы Господи, и поклонятся пред Тобою: се бо людие, иже Твоя, Блаже благодати наполнишася, во дворех Твоих Иерусалима. Крест претерпевый за ны, и воскресением Твоим животворяй, сохрани и спаси ны.

**Глас 6:**

**Четвероко**нечный мир днесь освящается, четверочастному воздвигаемому Твоему Кресту, Христе Боже наш, и рог верных христиан совозносится. Тем врагов сокрушаем роги, велий еси Господи, и дивен в делех Твоих, слава Тебе.

**Пророков** гласи, древо святое предвозвестиша, имже древния свободися клятвы смертныя Адам, тварь же, днесь возносиму Тому, совозвышает глас, от Бога просящи богатыя милости: но Единый в благоутробии, безмерный Владыко, очищение буди нам, и спаси души наша.

**Глас 8:**

**Глас** пророка Твоего Моисея, Боже, исполнися глаголяй: узрите живот ваш висящ пред очесы вашими. Днесь Крест воздвигается, и мир от лести освобождается, днесь Христово Вокресение обновляется, и концы земли радуются, в кимвалех

Давидски песнь Тебе приносяще и глаголюще: соделал еси спасение посреде земли, Боже, Крест и Воскресение: ихже ради нас спасл еси, Блаже и Человеколюбче, Всесильне Господи, слава Тебе.

**Глас тойже:**

Днесь Владыка твари, и Господь славы, на Кресте пригвождается, и в ребра прободается, желчи и отца вкушает, Сладость церковная: венцем от терния облагается, покрываяй небо облаки, одеждею облачится поругания: и заушается брэнною рукою, рукою создавый человека, по плещема биен бывает, одеваяй небо облаки, заплевания и раны приемлет, поношения и заушения, и вся терпит мене ради осужденнаго: Избавитель мой и Бог, да спасет мир от прелести, яко благоутробен.

**Слава, и ныне, глас тойже:**

Днесь Неприкосновенный существом, прикосновенен мне бывает, и страждет страсти, свобождаяй мя от страстей, свет подаваяй слепым, от беззаконных устен оплевается, и дает плещи за плененных на раны. Сего Чистая Дева и Мати на Кресте зрящи, болезненно вещаше: увы мне, Чадо Мое, что сие сотворил еси? красный добротою паче всех человек, бездыханный беззрачный являешия, не имея вида, ниже доброты: увы Мне, Мой Свете, не могу спяща зрети Тя, утробою уязвляюся, и лютое оружие сердце Мое проходит: воспеваю Твоя страсти, поклоняюся благоутробию Твоему, Долготерпеливе Господи, слава Тебе.

**Таже ектении и прочее обычное. И бывает совершенный отпуст.**



## НА ЛИТУРГИИ

### Антифонь 1й

**Стих 1:** Боже, Боже мой, вонми ми,/ вскую оставил мя еси.

**Припев:** Молитвами Богородицы, Спасе, спаси нас.

**Стих 2:** Далече от спасения моего/ словеса грехопадений моих.

**Припев:** Молитвами Богородицы, Спасе, спаси нас.

**Стих 3:** Боже мой, воззову во дни, и не услышиши,/ и в нощи и не в безумие мне.

**Припев:** Молитвами Богородицы, Спасе, спаси нас.

**Стих 4:** Ты же во святем живеши,/ хвало Израилева.

**Припев:** Молитвами Богородицы, Спасе, спаси нас.

**Слава, и ныне:**

**Припев:** Молитвами Богородицы, Спасе, спаси нас.

### Антифонь 2й

**Стих 1:** Вскую, Боже,/ отринул ны еси до конца?

**Припев:** Спаси ны, Сыне Божий, плотию распныйся, поюция Ти: Аллилуиа.

**Стих 2:** Помяни сонм Твой,/ его же стяжал еси исперва.

**Припев:** Спаси ны, Сыне Божий, плотию распныйся, поюция Ти: Аллилуиа.

**Стих 3:** Гора Сион сия,/ в ней же вселился еси.

**Припев:** Спаси ны, Сыне Божий, плотию распныйся, поюция Ти: Аллилуиа.

**Стих 4:** Бог же Царь наш прежде века,/ содела спасение посреде земли.

**Припев:** Спаси ны, Сыне Божий, плотию распныйся, поюция Ти: Аллилуиа.

**Слава, и ныне:**

Единородный Сыне, и Слове Божий, Безсмертен Сый. / И изволивый спасения нашего ради / воплотится от Святыя Богородицы и Приснодевы Марии, / непреложно Вочеловечивыйся. / Распныйся же, Христе Боже, смертью смертью поправый. / Един Сый Святыя Троицы, / Спрославляемый Отцу и Святому Духу, спаси нас.

### **Антифонъ 3й**

**Стих 1:** Господь воцарися,/ да гневаются людие.

**Тропарь:** Спаси, Господи, люди Твоя...

**Стих 2:** Господь воцарися, да гневаются людие,/ седяй на Херувимех, да подвижится земля.

**Тропарь:** Спаси, Господи, люди Твоя...

**Стих 3:** Господь в Сионе велик/ и высок есть над всеми людьми.

**Тропарь:** Спаси, Господи, люди Твоя...

**Стих 4:** Поклонитесь Господеви/ во дворе святем Его.

**Тропарь:** Спаси, Господи, люди Твоя...

### **По входе же Евангелиа, священник входный стих:**

**Возносите** Господа Бога нашего, и поклоняйтесь подножию ногу Его, яко свято есть.

### **Тропарь, глас 1:**

Спаси Господи люди Твоя, / и благослови достояние Твое, / победы православным христианом / на сопротивных даруя, / и Твое сохраняя / Крестом Твоим жительство.

**Слава, и ныне,**

### **Кондак, глас 4.**

**Вознесыйся** на Крест волею, / тезоименитому Твоему новому жительству, щедроты Твоя даруй, Христе Боже, / возвесели силою Твоею верныя люди Твоя, / победы дая нам на сопостаты, / пособие имущим Твое, оружие мира, непобедимую победу.

### **Вместо Трисвятаго:**

**Кресту** Твоему поклоняемся, Владыко, и святое Воскресение Твое славим.

**[Трижды ]**

**Слава, и ныне,**

**И** святое Воскресение Твое славим.

**Кресту** Твоему поклоняемся, Владыко, и святое Воскресение Твое славим.

## Прокимен, глас 7:

Возносите Господа Бога нашего, и поклоняйтесь подножию ногу Его, яко свято есть.

**Стих:** Господь воцарися, да гневаются людие.

## Апостол к коринфяном, зачало 125.

**Брѣтние:** Слово бо крѣтноє погнѣяущимъ оубо юродство єсть, а спасаємымъ нами сила вѣіа єсть. Писано бо єсть: погнѣю премѣдрость премѣдрыхъ, и раздѣмъ раздѣмныхъ ѿвергѣ. Гдѣ премѣдръ; гдѣ книжникъ; гдѣ совопросникъ вѣка сего; Не ѿвѣди ли вѣтъ премѣдрость міра сего; Понѣже бо въ премѣрости вѣіей не раздѣмѣ міръ премѣдростію вѣа, вѣгоизволилъ вѣтъ вѣіствомъ проповѣди сѣти вѣрѣющихъ. Понѣже и іудее знаменіа просѣтъ, и єлини премѣдрости ищѣтъ: мы же проповѣдаємъ хрѣта распѣта, іудеемъ оубо совлазнь, єлиномъ же бездѣіе, самѣмъ же звѣаннымъ іудеемъ же и єлиномъ хрѣта, вѣію силъ и вѣію премѣрость: занѣ вѣе вѣіе премѣрѣе чловѣкъ єсть, и немоцноє вѣіе крѣпчѣе чловѣкъ єсть. Видите бо звѣніе ваше, брѣтїе, іакъ не мнози премѣдри по плѣти, не мнози сильни, не мнози благородни: но вѣла міра извѣра вѣтъ, да премѣдрыа посрамѣтъ, и немоцнаа міра извѣра вѣтъ, да посрамѣтъ крѣпкаа:

**Аллилуиа, глас 1:** Помяни сонм Твой, егоже стяжал еси исперва.

**Стих:** Бог же Царь наш прежде века, содела спасение посреде земли.

## Евангелие от Иоанна, зачало 60.

Во время оно, совет сотвориша архиереє и старцы на Иисуса, яко да обвинѣт Его. И приведоша Его к Пилатѣ, глаголюще: распни, распни его. Глагола имъ пилатъ: поимите его вы и распните, азъ во не ѿвѣчѣаю въ неимъ вины. Ѹвѣщѣаша емѣ іудее: мы законъ имамы, и по законѣ нашемъ долженъ єсть оумрѣти, іакъ себѣ сѣа вѣіа сотвори. егда оубо слыша пилатъ сѣе слово, паче оубоасѣ, и вниде въ претѣръ паки и глагола иисови: ѿкъдѣ єси ты; иисъ же ѿвѣчѣа не даде емѣ. Глагола же емѣ пилатъ: мнѣ ли не глѣши; не вѣси ли, іакъ власть имамъ распѣти тѣ и власть имамъ пѣстѣти тѣ; Ѹвѣщѣа иисъ: не имаша власти ни єдиныа на мнѣ, аще не вы ти данѣ свѣше: сего ради предавыи мѣ тѣвѣ болѣй грѣхъ имать. Пилатъ оубо слышавъ сѣе слово, извѣде вѣнъ ииса и сѣде на сѣдищи, на мѣстѣ глаголемѣмъ лѣострѣтонъ, єврейски же гаввѣа. Бѣ же патѣкъ

пáсцѣ, чáсь же ѿкѡ шестый. **И** глагола ѿдѣшмъ: сѣ, црѣ вáшъ. **Онѣ** же вопіахѹ: возми, возми, распни єгò. **Г**лагола ѿмъ пѣлáтъ: црѣ ли вáшего распнѹ; **Ѡ**вѣщáша áрхїерее: не ѿмамы царѣ тóкми кѣсарѡ. **Т**огдà оубо предадè єгò ѿмъ, да рáспнетсѡ. **П**оѣмше же ѿса ѿ ведóша: ѿ носѣ крѣтъ свóй, ѿзыде на глаголемое лóбное мѣсто, єже глаголетсѡ єврѣйски голгòѡ, ѿдѣже пропáша єгò ѿ сѣ нѣмъ ѿна двà сѹдѹ ѿ сѹдѹ, посредѣ же ѿса. **Н**аписá же ѿ тѣтлѡ пѣлáтъ ѿ положи на крѣтѣ. **Б**ѣ же написано: ѿсѣ назѡрáннѣ, црѣ ѿдѣйскѣй. **С**егò же тѣтлѡ мнóзи чтоша Ѡ ѿдѣй, ѿкѡ близѹ бѣ мѣсто грáда, ѿдѣже пропáша ѿса: ѿ бѣ написано єврѣйски, грѣчески, рѣмски. **С**тоáхѹ же при крѣтѣ ѿсовѣ мѣти єгò ѿ сестрà мѣре єгò марїа клеóпова ѿ марїа магдалїна. **И**сѣ же вѣдѣвъ мѣрѣ ѿ оучѣнкà стоáца, єгòже любáше, глѡ мѣри своѣй: жѣно, сѣ, сынѣ твоѣй. **П**отóмъ глѡ оучѣнкѹ: сѣ, мѣти твоѡ. **И** Ѡ тогò чásà поáтъ ѿ оучѣнкѣ во своѡ си. **П**осѣмъ вѣдый ѿсѣ, ѿкѡ всѡ оубо совершѣшасѡ, да свѣдетсѡ писáнїе, глѡ: жáждѹ. **Є**гдà же прѣáтъ оцѣтъ ѿсѣ, рѣчѣ: совершѣшасѡ. **И** преклòнь главѹ, предадè дхѣ. **И**дѣе же, понѣже плáтокѣ бѣ, да не ѡстáндтъ на крѣстѣ тѣлесà въ сѡбвóтѹ, бѣ бо велѣкѣ дѣнь тоѡ сѡбвóты, молиша пѣлáтъ, да превѣютѣ гóлени ѿхѣ ѿ вóзмѣтъ. **П**рѣидóша же вóини, ѿ пѣрвоѹ оубо превѣша гóлени, ѿ дрѹгòмѹ распáтомѹ сѣ нѣмъ: на ѿса же прѣшѣдше, ѿкѡ вѣдѣша єгò оубо оумѣрша, не превѣша ємѹ гóленїй, но єдѣнѣ Ѡ вóинѣ копѣемѣ рѣвѣрѣ ємѹ провòдѣ, ѿ ѡбѣ ѿзыде крòвь ѿ водѡ. **И** вѣдѣвѣый свѣдѣтелствòва, ѿ ѿстинно єсть свѣдѣтелствò єгò, ѿ тоѣ вѣсть, ѿкѡ ѿстинѹ глаголетѣ, да вѣ вѣрѹ ѿметѣ:

**Причастен:** Знаменася на нас свет лица Твоего, Господи.

На трапезе же бывает утешение братии, от елеа и вина и прочих снедей овощных: сыра же и яиц и рыбы никакоже дерзнем коснуться.